

Nos sistema di "Kani mi pa mi Kani bo" ta fracasando

Aruba tabata tin dos partido cu a goberna: AVP y OLA.

A bini un problema. "medico" entre e dos partidonan y gobierno a baha debi na e "postema", y a proclama eleccion nobo..... Eleccion nobo a tuma lugar den december.

Awe despues di mas di cinco luna di campaña, discusion, eleccion, papiamento, discutimento, negociamento, ainda Aruba no tin gobierno. Tabata despues di 4 luna cu gobernador a duna ordo pa forma un gobierno entre e mes AVP y e mes OLA pasobra a aparenta cu e "postema" a cura.

E pregunta cu mi a cana cune ultimo simannan tabata, si e dos partidonan aki a siña algo for di henter e proceso cu a tuma lugar.

ARUBA PAGANDO CARO PA GOBIERNO

Ayer mi a haya e garantia cu Aruba no a gana nada cu henter e proceso.

Aruba a bay atras y esey ta e prijs cu Aruba mester paga ora cu bo tin un sistema di gobierno basa ariba asunto di coalicion.

Esaki ta trece cune cu casi obligatoriamente ta bini discusion, midi forza cu otro, kende tin mas musculo cu otro, kende ta come mas pan bati cu otro, kende tin mas energia cu otro etc. y tur esaki bao di e concepto "democratico".

E sistema cu nos tin actualmente na Aruba ta, cu bo ta pasando den un periodo cu bo no sa con largo e ta bay dura y bo ta keda cu un inseguridad grandi.

E inseguridad ta sigui pasobra e sistema di nos tin como factor inherente, "inestabilidad".

E partidonan cu forma gobierno mescos cu tur partido cu a forma tur gobierno semper ta diferencia di opinion den un forma asina fundamental cu "inestabilidad of caymento di gobierno ta cos cu por pasa ki ora cu ta.

E consecuencia ta cu tur cos ta pega, y mester cuminsa reforma y reformula y den otro caso hasta re-eligi, esta bin cu eleccion nobo.

E sistema ta basa riba un teoria di, hopi hende traha hunto, como si fuera esaki ta significa e situacion ideal.

Den practica te awor el a resulta den "kani mi pa mi kani bo" y no ta tur ora por logra e acuerdo ideal, pero na e momento ey tabata e mihor deal cu por a logra tambe.

Esaki no ta necesariamente un concepto adecua cu reflexion corecto di kico democracia realmente ta.

Nos sa cu democracia su punto di importancia ta e posibilidad cu un pueblo tin pa eligi su gobernantenan.

Esaki por ta directo y por hasta modifica e proceso y laga esnan cu a haya mas voto bay un di dos vuelta, pa saca esun cu tin apoyo di un mayoria di mas di 50 % di votonan.

Por tuma tambe e sistema caminda cu despues di eleccion ta busca pa

sa kico tur hende su pensamiento ta, y por haya tur sorto di pensamiento di cu esun cu a haya mas voto ta drenta of esun cu a haya mas voto ta keda afo.

Na Antiyas nos por a nota ayera cu e sistema aki a trece cune cu esun cu a haya mas voto a keda afo y formacion di un gobierno nobo a bini cla despues cu nan a vota varios siman despues di eleccion di Aruba, dia 30 di januari.

Pero e pregunta ta keda: T' esaki ta realmente locual democracia ta encera?

E VOTONAN DI CONFIANZA TA PERDI

E sistema aki realmente ta contesta e espectativanan di un pueblo y aspiracionnan democratico di e pueblo?

No !!..... Ta laga loke pueblo a manda, loke pueblo a bisa constantemente dependiente di masha interpretacion.

No tin un sistema mas cla den cual bo ta vota pa e gobernante y bo sa cu ta e ta drenta pasobra el a haya e cantidad mas grandi di voto.

Ta e ta bay den gobierno y ta e ta forma su gabinete y ta e ta nombra su ministronan cu ta compronde.

Ta e a haya e votonan, ta e a haya e confianza y e ta e deseo di pueblo. Por skirbi te cansa riba e debilidadnan di nos sistema cu realmente, segun mi opinion, no ta contesta nos aspiracionnan democratico, ni nos cultura politico y sigur no di Aruba.

Dios sa si nos ta haya un gobierno manera e situacion ta actualmente. Ningun hende no sa kende ta bay manda, kende ta bay sinta, pasobra no tin nada ainda despues di 5 luna.

Nos tin e tempo aki pa e discusionnan eterno tuma lugar sin cu nos sa unda nos ta bay y kico lo pasa?

MESTER DI CURASHI PA CAMBIA E SISTEMA

Nos democracia ta masha importante, pero e tey pa sirbi pueblo y si e no tey pa sirbi nos proposito anto e ora ey no ta bal la pena.

Si nos tabata tin e sistema di eligi president, anto ta for di 12 di december nos lo tabata sa kende lo bira prome ministro y cu lo nombra su ministronan.

Ta riba e persona aki nos lo a vota den mayoria sabiendo kico e ta bay presenta y kende ta bin cune den su gabinete pasobra el a confia e personanan aki y nos a confia e pa bira Prome Ministro. Esaki lo por tabata e expresion autentico di kico democracia ta encera.

Tur e perdemento di tempo cu nos a pasa aden ta confirma y reconfirma cu e sistema cu nos tin ta pone cabuya na garganta di desaroyo di nos isla, pasobra "stabilidad" gubernamental no ta wordo garantiza cu e sistema cu nos tin di eligi nos gobernantenan.

Ta kendenan lo tin e curashi un dia pa cambia e sistema aki?

Juby

Quota Club of Aruba cu atencion pa nos muchanan



ORANJESTAD [AAN] Diamars 12 di Mei ultimo, Dokter Debra Bislip, den nomber di Quota Club of Aruba, a hasi entrega di al-

gun beertjes na Centro Medico. Dr. Rudi Engelbrecht pa duna muchanan cu ta bin akinan cu trauma, accident etc.


Manera ta conoci e organizacion di Quota Club Aruba at forma parti di Quota Club Internacional. Actualmente

Quota Internacional ta eherciando un campaña na unda nan ta otorgando hobennan rond mundo cu a pasa door di un trauma, o tabata envolvi den un accidente etc. un beertje. Den cuadro di nan afiliacion directo na dicho organizacion interna-

cional, a mira e necesidad pa apoya e campaña aki na Aruba tambe cu e gesto ariba mencionna.

E beertje a ser entrega na Zuster Sandra Mimie, kende na su turno a entrega esaki na e hobencito Joshua Ignacio.

INBOUW PRODUCT ARUBA N.V.
MAS CU 100 CABA DEN UZO NA ARUBA



Nos modelo nobo **SLIDING GATE OPERATOR** cu **REMOTE CONTROL**.

Instala na bo cura, incl. 10 meter waya, un remote, cu un año di garantia. E unit ta habri porta te cu 380 c/m Afl. 1395,=.

Unit grandi ta obtenible, yama pa mas informashon.

FINANCIAMENTO TA POSIBEL TEL: 820121

ADRES NOBO: FRERE ALEXUSSTR. 27